



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-055-4/25**
Datum: **21.05.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «Javno komunalno preduzeće» d.o.o. Vareš za donošenje rješenja o vodnoj dozvoli za privremeno ispuštanje komunalnih otpadnih voda u prirodni recipijent iz urbanog područja općine Vareš, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E o vodnoj dozvoli

1. Daje se vodna dozvola «Javnom komunalnom preduzeću» d.o.o. Vareš za privremeno ispuštanje komunalnih otpadnih voda iz urbanog područja općine Vareš, putem javnog kanalizacionog sistema, u rijeku Stavnju.

Ova dozvola se odnosi na identificirane privremene ispuste okarakterisane kao najvažniji:

Br.	Naselje	Profil cijevi na mjestu ispusta	Kota dna cijevi na mjestu ispusta (m n.m.)	Položaj isp. mjesta	Napomena
1.	Vareš Majdan	200	741,8	Desna obala	
2.	Vareš Majdan	1000	743,8	Desna obala	Uveden Trifković potok - dio
3.	Strelišta/Trifkovci	500	748,2	Desna obala	Uveden Trifković potok - dio
4.	Vareš Majdan	200	755	Desna obala	
5.	Vareš Majdan	250	752,3	Lijeva obala	
6.	Vareš Majdan	1000	761,5	Desna obala	Uveden Čamilov potok
7.	Krug željezare	500	761,1	Lijeva obala	
8.	Vareš Majdan	300	765,74	Desna obala	
9.	Vareš Majdan	500	769,7	Desna obala	
10.	Rajičevac	1000	779,0	Desna obala	Uveden Rajičevački potok
11.	Zukići dio	500	807,0	Lijeva obala	Uveden Mustafin potok
12.	Rad, Kino, Dom	300	808,4	Desna obala	
13.	Zukići dio	300	809,5	Lijeva obala	
14.	Glavica/Zukići	1000	812,2	Lijeva obala	Uveden Bukov potok - dio
15.	Vareš centar	500	815,5	Desna obala	
16.	Vareš centar	1000	818,1	Lijeva obala	
17.	Vareš centar	300	820,4	Lijeva obala	
18.	Franjići / Stojkovići	300	822,3	Lijeva obala	
19.	Franjići / Stojkovići	1000	825,4	Lijeva obala	Uveden Bukov potok - dio
20.	Srednjoškolski cent.	300	828,1	Desna obala	
21.	Zgrada Općine	300	829,2	Desna obala	
22.	Benići	300	833,2	Lijeva obala	
23.	Selišta	500	840,3	Desna obala	
24.	Matijevići (dio)	300	847,3	Lijeva obala	
25.	Matijevići (dio)	500	848,2	Lijeva obala	Uveden Grgića potok - dio

26.	Novakovići/ Selišta	800	850,0	Desna obala	
27.	Hadžijina ćuprija	300	852,3	Lijeva obala	
28.	Hadžijina ćuprija	300	854,9	Lijeva obala	
29.	Ljepovići	400	857,8	Lijeva obala	
30.	Ljepovići	1000	868,2	Lijeva obala	Uveden Blažev potok
31.	Poslovna zona „KRAM“	300	778,0	Lijeva obala	
32.	Zagarski potok	1000	770,0	Lijeva obala	

2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokalitetima ispusta i uz sljedeće uslove:
- 2.1. Da se objekti koji čine javni kanalizacioni sistem općine Vareš održavaju u ispravnom i funkcionalnom stanju u skladu sa njihovom namjenom i ovim Rješenjem a prema Odluci o vodovodu i kanalizaciji broj: 01-110/10 usvojenoj dana 05.05.2010. godine na sjednici Općinskog vijeća Vareš.
 - 2.2. Da se permanentno radi na razdvajanju postojećeg mješovitog sistema odvodnje otpadnih voda te da se prilikom izgradnje nove kanalizacione mreže projektuje i izvodi isključivo separadni sistem odvodnje.
 - 2.3. Da se redovno vrši snimanje, izrada katastra kanalizacionog sistema i kontrola stanja postojeće kanalizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrovati i što hitnije poduzeti aktivnosti da se isti priključe na postojeće gradske kolektore.
 - 2.4. Da se nastavi vođenje evidencije svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanalizacionu mrežu.
 - 2.5. Da se obezbijedi nesmetan pristup i redovno vrši održavanje korita rijeke Stavnje i njenih pritoka na dionici kroz Vareš, sa posebnom pažnjom na ispusna mjesta pobrojana u tački 1. ovog Rješenja.
 - 2.6. Da se, od korisnika prilikom izdavanja odobrenja za priključak na gradsku kanalizacionu mrežu, zahtijeva da kvalitet otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.7. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.8. Da se, za vrijeme trajanja ove dozvole, vrši monitoring otpadnih voda na glavnim ispustima. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. Vlasnik, odnosno korisnik objekata je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan voditi propisane evidencije te nadležnim organima dostavljati propisane obrasce (Obrazac EBS) uz redovno dostavljanje obrasca IV – Mjesečni izvještaj o količini isporučene vode i obračunu EBS-a te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za zaštitu voda.

4. Ispuštanje otpadnih voda u rijeku Stavnju ne smije ugrožavati postojeći hemijski i ekološki status recipijentata.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
6. U periodu važenja ove dozvole, Korisnik je dužan provoditi sve mjere i aktivnosti propisane istom.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima kanalizacionog sistema i mjestima ispusta obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane «Javnog komunalnog preduzeća» d.o.o. Vareš, dana 05.02.2025. godine podnesen je ovaj Agenciji zahtjev za izdavanje vodne dozvole za privremeno ispuštanje komunalnih otpadnih voda iz urbanog područja općine Vareš, putem javnog kanalizacionog sistema, u rijeku Stavnju.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra: 043-0-RegZ-24-003245 izdatog dana 29.10.2024. godine od strane Općinskog suda u Zenici,
- Ovjerena kopija Uvjerjenja o poreznoj registraciji izdatog dana 19.04.2012. godine od strane Porezne uprave Federacije BiH – Kantonalni porezni ured Zenica,
- Kopija Odluke o vodovodu i kanalizaciji usvojenoj dana 05.05.2010. godine na sjednici Općinskog vijeća Vareš održanoj (broj: 01-110/10),
- Kopija Rješenja o vodnoj dozvoli broj: UP-I/25-3-40-657-4/19 izdatog dana 03.02.2020. godine od strane «Agencije za vodno područje rijeke Save» Sarajevo,
- Evidencija septičkih jama i drugih individualnih postrojenja za prečišćavanje otpadnih voda na području općine Vareš,
- Registar septičkih jama i kanalizacionih sistema za mjesne zajednice na području općine Vareš,
- Glavni projekat fekalne kanalizacione mreže – Vareš – Knjiga I i Knjiga II urađen od strane «PROJEKT» d.d. Sarajevo (šifra: UG 332/05, oktobar 2005. godine),
- Operativni plan za incidentna zagađenja broj: 01-2-116-V/21, maj 2021. godine urađen od strane «ZAGREBINSPEKT» d.o.o. Mostar,
- Izvještaj o rezultatima ispitivanja kvantitativnih karakteristika komunalne otpadne vode broj: 01-2-18-XI/24, novembar 2024. godine urađen od strane «ZAGREBINSPEKT» d.o.o. Mostar (izvještaj urađen za ispusno mjesto - Vareš centar),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnih ispusta komunalnih otpadnih voda u rijeku Stavnju na području općine Vareš i tom prilikom je sačinjen Zapisnik o uviđaju broj: UP-1/21-3-40-055-3/25 od 14.05.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Na kanalizacioni sistem općine Vareš kojim upravlja «Javno komunalno preduzeće» d.o.o. Vareš priključeno je oko 2800 domaćinstava odnosno oko 7000 stanovnika.

Na području općine Vareš izgrađena je mješovita kanalizaciona mreža ukupne dužine cca 4300 m za prikupljanje i odvodnju fekalnih i oborinskih otpadnih voda užeg urbanog područja. Kanalizacioni sistem čini skup međusobno nepovezanih vodova dominantno mješovite kanalizacije sa trideset dva značajnija registrirana direktna ispusta u recipijent - rijeku Stavnju bez prethodnog tretmana.

Jedan broj stambenih objekata svoje otpadne vode direktno disponira u njima najbliže potoke - pritoke rijeke Stavnje i nije uključen u neki od pobrojanih ispusta kanalizacije. Prostor odvodnje otpadnih voda je riješen tako da je omogućena gravitaciona odvodnja svih korisnika sistema.

Prigradska naselja i ostala naselja na području općine Vareš nemaju izgrađen kanalizacioni sistem, a odvodnja otpadnih voda vrši se putem septičkih jama.

Monitoring otpadnih voda se vrši redovno od strane ovlaštene laboratorije «ZAGREBINSPEKT» d.o.o. Mostar na mjestu ispusta – Vareš centar (na uvid dostavljen Izvještaj o monitoringu komunalnih otpadnih voda broj: 01-2-18-XI/24, novembar 2024. godine).

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnim lokacijama ispusta otpadnih voda u rijeku Kozicu i rijeku Ivančicu a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva «Javno komunalno preduzeće» d.o.o. Vareš, ispunio minimum uslova za dobivanje vodne dozvole za privremeno ispuštanje komunalnih otpadnih voda iz urbanog područja općine Vareš putem javnog kanalizacionog sistema u rijeku Stavnju, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-055-2/25 od 09.05.2025. godine.

Podnosilac zahtjeva je uplatio upravnu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

– «Javno komunalno preduzeće» d.o.o. Vareš

ul. Put mira br 33, 71330 Vareš

⊖ AVP Sava, ISV – Vodna knjiga

– Sektor 50

– Sektor 40 - arhiva

– Oglasna ploča - AVP Sava